

## CONVENIO DE COLABORACIÓN ENTRE A AXENCIA DE TURISMO DE GALICIA E O CONCELLO DE MONTERREI PARA O PROXECTO DE HUMANIZACIÓN E MELLORA DA INFRAESTRUTURA NO NÚCLEO DE MIXÓS (FASE III), CONCELLO DE MONTERREI

O xerente de Turismo de Galicia

### DECLARA:

Que esta Axencia de Turismo de Galicia formalizou co Concello de Monterrei o instrumento convencional arriba referido por un período de vixencia que abrangue dende a data da súa sinatura ata o 31 de decembro de 2025.

Que o instrumento convencional ten por obxecto establecer o marco de colaboración entre Axencia de Turismo de Galicia e o Concello de Monterrei para a humanización e mellora da infraestrutura no núcleo de Mixós (Fase III), concello de Monterrei.

Que existe converxencia de intereses entre as entidades asinantes en orde á consecución obxecto referido.

Que o instrumento convencional que se pretende asinar se **fundamenta** no seguinte:

**Primeiro.-** A Axencia de Turismo de Galicia, en virtude do disposto no artigo 9 dos seus estatutos, aprobados polo Decreto 196/2012, do 27 de setembro, é a entidade pública instrumental do sector público autonómico de Galicia á que lle corresponde o impulso e execución da política turística da Xunta de Galicia en relación coa promoción da calidade e a innovación, o desenvolvemento, mellora, información e difusión do sector turístico galego, potenciando a devandita oferta, mediante a comercialización, información e difusión do produto turístico da Comunidade Autónoma de Galicia.

Para lograr esta finalidade a Axencia de Turismo de Galicia acomete, no ámbito das súas competencias, un decidido apoio á promoción e fomento do sector turístico de Galicia a través daquelas accións que lle permiten acadar os seus obxectivos.

**Segundo.-** O Concello de Monterrei é consciente de que o seu Patrimonio é o seu máis grande ben, entendendo Patrimonio no seu senso máis amplo, é dicir, o conxunto de



bens dunha comunidade, incluíndo nese conxunto tanto os bens herdados como os de nova adquisición, tanto os naturais como os culturais. Partindo desta base o Concello de Monterrei está levando a cabo, dende fai anos, unha serie de iniciativas cun obxectivo común: por en valor, é dicir, rendibilizar o seu Patrimonio para dalo a coñecer, conservalo e para a promoción turística.

A actuación a realizar desenvolverase no núcleo de Mixós, dentro do trazado do Camiño de Santiago Vía da Prata, que é o camiño xacobeo galego de maior percorrido. Ademais a obra está afectada ao patrimonio polo elemento catalogado da Igrexa de Santa María de Mixós, un templo de orixe prerrománico que conserva no seu interior pinturas murais da época medieval e elementos construtivos que lembran a presenza dun mosteiro na mesma zona. Por último este núcleo tamén se atopa catalogado como Ben de Interese Cultural de área integral (COD 3205002).

Esta actuación é continuación da xa desenvolvida nos dous anos anteriores tamén no núcleo de Mixós, e levarase a cabo noutra rúa a carón da que foi obxecto de actuación, de acordo co seguinte cadro:

<b>Actuación</b>	<b>Coordenada X</b>	<b>Coordenada Y</b>
Inicio	628.139,59	4.646.797,51
Fin	628.083,05	4.646.779,19

Actualmente o camiño no núcleo rural de Mixós atópase en pavimento de formigón moi deteriorado. Proponse unha actuación de mellora cun carril central en pavimento de formigón e nos bordos colocarse un pavimento de lastro de granito ata os límites das edificacións. Existe tamén unha praza na que se estenderá un pavimento de lousas de pedra e renovarase o mobiliario existente para por en valor os elementos patrimoniais e mellorar o acceso ó núcleo.

## **DESCRIPCIÓN DAS OBRAS A REALIZAR**

Comezarase coa demolición de 15 cm do pavimento de formigón existente e escavarase o terreo outros 15 cm ata chegar á cota de proxecto para levar a cabo a actuación. Levarase a cabo a apertura de gabias de alumeado e da rede de pluviais e limparanse as



rochas expostas na praza e as escaleiras con auga a presión.

Colocarase a canalización de PVC SN-4 con 315 mm de diámetro, os pozos de rexistro, os sumidoiros arqueta 34x51x60 cm xunto coas súas conexións pertinentes por medio dunha canalización de PVC SN-4 de 160 mm de diámetro. Colocarase unha canalización prefabricada de polipropileno reforzado de 200x240 mm e reixa de fundición clase D-400.

Colocarase una liña para o alumeadado formada por condutores de cobre 2(1x6)mm<sup>2</sup> con illamento tipo RV-0,6/1kV Cu, o cal vai canalizado baixo 2 tubos de PVC de 90 mm de diámetro. Instalaranse 3 luminarias modelo ALFA 5A LED34 25W (500mA) A7 3000K ou equivalente xunto coas súas columnas modelo ATLAS 6m (4+2) ou equivalente. Colocarase una arqueta de paso 40x40x80 cm prefabricada e unha toma de terra de pica en aceiro cobrizado. Utilizarase un tubo de aceiro de 10 cm de diámetro para levar a cabo a baixada da rede de alumeadado existente que se atopa na fachada dunha das edificacións da zona.

Para o firme da actuación, estenderase una base de grixo artificial de 15 cm de espesor. Levarase a cabo un carril de 2,00 m de ancho de pavimento de formigón de 15 cm acabado desactivado e mallazo de 15x15 cm e 6 mm de diámetro, realizando as xuntas cunha fiada de lousa de granito 60x40x10 cm acabado abuxardado. Nos bordos estenderase una soleira de 10 cm de espesor de formigón sobre a cal se colocará o pavimento de lastro de granito cor moreno de 8x8x8 cm serrado e abuxardado ata o límite coas edificacións existentes ou os muros que delimitan a vía. Na praza estenderase una soleira de 10 cm de espesor de formigón e sobre ela un pavimento de lousa de granito 60x40x10 cm acabado abuxardado delimitando e diferenciando así a zona da praza.

Ao redor das árbores existentes realizaranse unhas escavas circulares con lastro de granito de 8x8x8 cm de cor moreno acabado serrado e abuxardado.

Actualizarase o mobiliario existente e colocaranse dous bancos neobarcarino de Benito ou equivalente de 1,80 m fabricado con pés de fundición dúctil e seis taboleiros de madeira tropical natural con certificado FSC. Dúas papeleiras Citizen de Benito ou equivalente medidas totais 545x450x920 mm, 60 litros, fabricada con estrutura de fundición dúctil e cubeta de aceiro e taboleiros de madeira tropical, listóns de madeira para exterior e aro



de aceiro zincado para fixar a bolsa. E una fonte Ges de Benito ou equivalente medidas totais 800x300x1020 mm, fabricada en COMVEG (composite vexetal) ecolóxico con efecto aceiro corten.

Atópase tamén una zona de xardín no cal se levará a cabo a revexetación manual, mediante perfilado e refino, executado con medios mecánicos e estendido de terra vexetal formando unha capa uniforme de 30 cm e sementeira con herbáceas 95% e leñosas autóctonas 5% a razón de 350 kg/ha.

Que a través deste convenio, outórgase ó Concello de Monterrei unha subvención directa en virtude do disposto no artigo 19.4 c) da Lei 9/2007, do 13 de xuño, de subvencións de Galicia, polas razóns de interese público, social, económico e humanitario expostas nos puntos anteriores que dificulta a súa convocatoria pública, de conformidade co previsto no artigo 26.2.a) da Lei 9/2007 do 13 de xuño, de subvencións de Galicia.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados Lei 9/2017, do 8 de novembro, de contratos do sector público, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asíñase esta memoria, en Santiago de Compostela

O xerente de Turismo de Galicia

Antonio Casas Calviño

